



Broj: JN-17-06-4-16-2-12-~~15~~19
Datum, 15.7.2019. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09) i člana 72. stav (3) tačka a) Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

ODLUKU

I

Okvirni sporazum za nabavku avio karata za potrebe službenih putovanja Granične policije Bosne i Hercegovine dodjeljuje se ponuđaču «**CENTROTRANS-EUROLINES**» d.d. **Sarajevo**, kao drugorangiranom ponuđaču nakon izvršenog rangiranja ponuda iz razloga što ponuđač «**VIP TRAVELS**» d.o.o. Sarajevo kao prvorangirani ponuđač nije dostavio dokaze o ispunjavanju uslova iz tačke 12. tenderske dokumentacije, odnosno dokumentaciju iz člana 45. i 47. Zakona o javnim nabavkama u roku od pet dana od dana kada je dobio Odluku o izboru najpovoljnijeg ponuđača.

II

Odluka o izboru najuspješnijeg ponuđača broj: JN-17-06-4-16-2-12-7/19 od 24.6.2019. godine stavlja se van snage.

III

Izabrani ponuđač dužan je da dostavi dokaze o ispunjavanju uslova iz tačke 12. tenderske dokumentacije u roku od 5 dana od dana prijema ove Odluke.

III

Odluka stupa na snagu danom donošenja.

Obrazloženje

Nakon završene E-aukcije koja je održana dana 13.6.2019. godine prihvatljive ponude su rangirane kako slijedi:

1. «**VIP TRAVELS**» d.o.o. Sarajevo, Zelenih beretki bb sa ukupnom cijenom ponude bez PDV-a u iznosu od 1,28 KM (preferencijalni tretman NE);
2. «**CENTROTRANS-EUROLINES**» d.d. Sarajevo, Kurta Schorka 14 sa ukupnom cijenom ponude bez PDV-a u iznosu od 50,00 KM (preferencijalni tretman DA);
3. «**GOBOOK**» d.o.o. Visoko, Alaudin 10 sa ukupnom cijenom ponude bez PDV-a u iznosu od 49,90 KM (preferencijalni tretman NE);

Odlukom broj: 17-06-4-16-2-12-7/19 od 24.6.2019. godine za najpovoljnijeg ponuđača po otvorenom postupku za nabavku avio karata za za potrebe službenih putovanja Granične policije Bosne i Hercegovine izabran je ponuđač «**VIP TRAVELS**» d.o.o. Sarajevo čija je ponuda ocijenjena kao prihvatljiva i rangirana je na prvo mjesto od ponuda koje su ocijenjene kao prihvatljive.

O ovoj odluci izabrani ponuđač kao i drugi ponuđači obaviješten je dana 5.7.2019. godine putem fax-a, te je u skladu sa tačkom II Odluke bio dužan da dostavi dokaze o ispunjavanju uslova iz tačke 12. tenderske dokumentacije u roku od 5 dana od dana prijema ove Odluke. Utvrđeno je da izabrani ponuđač nije dostavio traženu dokumentaciju u roku od pet dana od dana prijema Odluke. Odredbama člana 72. stav (3) tačka a) Zakona o javnim nabavkama Bosne i Hercegovine propisano je da ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača u slučaju da najuspješniji ponuđač propusti da dostavi originale ili ovjerene kopije dokumentacije iz člana 45. i 47. Zakona o javnim nabavkama u roku koji odredi ugovorni organ.

Obzirom da je ponuđač «CENTROTRANS-EUROLINES» d.d. Sarajevo nakon provedenog postupka e-aukcije rangiran na drugo mjesto, odnosno odmah nakon najuspješnijeg ponuđača odlučeno je kao u dispozitivu Odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi u roku od 10 (deset) dana od dana dostavljanja iste. Žalba se predaje putem Granične policije Bosne i Hercegovine.

DOSTAVITI:

- Ponuđačima-putem fax-a (x5)
- Odsjek za poslove nabavke i logistike
- A/a



DIREKTOR
Glavni generalni inspektor

Zoran Galić